

Donostian, 1853-garren urteko Iñauteriyetan

ZORTZIKO BERRIYA

Kanta eta dantzako
 Soñu egokia
 Zerade zortzikoa
 Biotz pozgarria:
 Choill eder, kutun eta
 Berso oben gaya
 Argira emateko
 Nere esan saya.

Orain baño lenago
 Bada amar urte
 Oroigarri izantzan
 Astelen iñaute:
 Donostiako plazan
 Kantatuzan arte
 Kale asko zirala
 Menditarrez bete.

Elkarren gain bultzaka
 Erri barrenian
 Baserritarrak ziran
 Soka-muturrian:
 Bañan arrantzaliak
 Bildu ziranian
 Atzeratu zituzten
 Umore onian.

Noiz bait arkiturikan
Baka iskiñian
 Makiña bat atzapar
 Zuten bizkarrian:
 Guztiyak lagun onak
 Anaitasunian
 Bazkariya sartzeko
 Tripa zimurrian.

An oroitzen zitzayen
 Echeko chokua
 Amaren porrusalda
 Ta az-oliyua:
 Beren jaiotz-erriko
 Bizitza modua
 Iñoren gaitzik gabe
 Iñauterikua.

Adiskide maitiak
 Euskaldun neriak
 Ernai eta arreta
 Zar eta gaztiak:
 Jardun denborarekin
 Nork bere nekiak
 Elkar palakatuaz
 Naikeran pakiak.

JOSÉ VICENTE ECHEGARAY.